

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum volumen tripartitum**

**Creidius, Hartmann**

**Francofurti ad Moenum, 1682**

De secundo

[urn:nbn:de:bsz:31-122776](#)

emundet nos ab omni iniquitate, 1. Joh.. 1.  
veri. 9. hoc facit per verbum, quod omnia  
fanat, cum nec herba, nec malagma quic-  
quam efficere potest, Sap. 16.v.12.

4. *Sanat informatio*, quā continen-  
tur.

1. *Fugienda*. Nam vide, inquit, ne  
ulli dixeris, & hoc ipso se ab aura gloriæ  
pompaq; jaæstantæ alienum esse satis osten-  
dit. Non enim quæsivit gloriam suam,  
Johan.8.verf.50. Ita nos quoque in omni-  
bus verbis ac operibus nostris Dei gloriam  
in primis queramus juxta præscriptum Pau-  
li, Col. 3. v. 17.

2. *Facienda*. Nam ad Sacerdotes ipsum  
alebat duplii fine,

1. *Ratione sacrificii*, Lev. 14. vers. 1.  
scqq. dann er wil den Priestern ihr Etiam  
nicht entziehen / sie wollen auch erhalten seyn.  
Sicut enim operarius dignus est mercede  
sua, Luc. 10. v. 7. Ita præcepit Dominus,  
ut qui Evagelium annunciant, de Evange-  
lio vivant, 1. Cor. 9. v. 14.

2. *Ratione testimonii*, ut mundatum  
leprosum videntes, aur crederent Salvatori,  
aut non crederent. Si crederent, salvaren-  
tur, si non crederent, inexcusabiles forent,  
ut Hieronymus loquitur. Tot enim testes  
reprobi in extremo die contra se habe-  
bunt, quot modis voluntatem ipsis revela-  
tam contemperunt, ut Christus etiam ci-  
vitatibus ingratia minoratur, Matth. 11. v. 21.  
Joh. 12. v. 48.

### De Secundo.

**V**Idimus Curam leprosi, videbimus et-  
iam Curam paralytici, ubi duo nobis  
ponderanda occurrunt:

1. *Centurionis querela*. Cum enim in-  
gressus esset Capernaum, accessit eum

Centurio & rogavit eum, inquit Evange-  
lista. In Græco vocatur ἐκατόνταρχος,  
unde colligitur, fuisse ipsum Capitaneum  
centum militum præsidiorum in oppi-  
do Capernaum, à Romano Cæsare imme-  
diatè dependentem, professione Ethnicum,  
ut patet ex v. 10. & 11. Sed ex Luc. 7. vers. 5.  
probabile est, quod abjurata Ethnicorum  
idolatria religionem Judaicam amplexa-  
tus fuerit.

Querelam quod attinet, describitur illa

1. *Ratione materie*. Nam de servo sol-  
licitus est, qui domi jacebat paralyticus &  
vehementer torquebatur. Hoc exemplo  
hortatur omnes patres & matres familias,  
ut pariter erga servos & ancillas affecti sint.  
Quod pertinent dicta Scripturæ, Sir. 4.v.35.  
c.7.v.23.c.33.v.30-31.Eph. 6.v.9.

Si igitur vim patiuntur, tuum est, ut de-  
fendas ipsis, quod fecit David 2. Sam. 10.v.  
7.scqq.

Si mercedem petunt, noli ipsis defrau-  
dare. Nam merces illa clamat ad cœlum, Jac.  
5.v.4.Deut.24.v.15.

Si infirmantur, ne insalutatos vel incur-  
tos relinque, sed de medicina & necessariis  
subsidiis ipsis prospice. Nam qui domestico-  
rum curam negligunt. Ethnicis deteriores  
sunt, 1. Tim.5.v.8.

2. *Ratione formæ*. Nam accessit Chri-  
stum

1. *Reverenter*, Dominum appellans &  
hac ipsâ appellatione fidem suam testatur,  
quam ex concionibus & miraculis Christi in  
Capernaum editis concepit. Proinde se hu-  
miliat, Domine, inquiens, non sum dignus  
ut intres sub tectum meum. Quæ communi-  
nis vox est omnium Sanctorum. Nam qui  
vult esse Christi discipulus, à Christo hu-  
militatem discat, necesse est, Matth.11.v.29.

Super-

Superbi autem ad Christum non pertinent, sed Diabolus imitatur, qui Rex superbum dicitur, Job. 41.v.25.

2. *Confidenter.* Nam firmiter credit Christum servum suum etiam absentem unico verbo curare posse, idque demonstrat ab adjuncto proprio per comparationem imparium. Ego homo sum, inquit, tu autem Deus, ego potestati subditus, tu omnia sub pedibus habes. Si dico servo meo, veni, ad dictum statim venit. Sim alteri dico, abi, ad dictum statim abit. Quidni igitur tibi, qui Dominus es vitæ & mortis, ad nutum oinnes morbi pareant. Non opus est Domine, ut mecum abeas, sed tantum die verbum, & sanabitur servus meus.

Hac fide nos etiam instructos esse oportet, ut firmiter statuamus, Christum posse ex omnibus necessitatibus eripere, & quidem unico verbo, quia benignus est & misericors, nostrisque infirmitatibus compati novit, Ebr. 4. vers. 15. Statuat igitur quilibet Christianus se domi habere paralyticum, id est, animam ægrotantem, & conscientiam miserè afflictam, nec procrastinet medicinam, sed Christum accedit dum propè est, antequam mors secunda ipsum comprehendat. Hoc fit per fidem, cui nihil impossibile est, Marc. 9. vers. 23. Sicut enim Israelitæ in deserto æneum serpentem intuentes ab ictu serpentum ignorum sanati sunt: Ita Christus exaltatus est in cruce, ut qui credit in eum non pereat, sed vitam eternam habeat, Joh. 3. v. 15.

In genere notamus in hoc Centurione virtutes quasdam militares, quibus omnes Colonelli & Capitanei studere debent, ut sunt

1. *Integritas.* Nam sub Romano Imperatore militat tanquam ordinario Magi-

strati: Sic qui castra sequuntur, videant, cuicident nomina sua, ne seditionis & temerarii habeantur. Exempli gratiâ; Absolon bellum gerebat contra Patrem. Hoc injustum erat bellum. Hinc omnes qui sub ipso militarunt, seditionis obnoxios se reddiderunt.

Si vis igitur militare, Dominum talem tibi elige, qui defensivè, aut vindicativè, non offensivè bellum suscipit, alias Deum non habebis à latere, cujus lola est victoria, Prov. 21. v. 31.

2. *Pietas.* Nam 1. veram religionem suscipit, ut supra audivimus. 2. ad Christum confugit. Ita qui militia operam dant, ante omnia pietatem sibi commendatam habent, Deut. 23. vers. 9. & piis insuper precibus manè & vesperi Deum sollicitent, ut sibi semper propitius esse velit. In primis beluinam saevitiam exuant, blasphemias detestentur, stupra & adulteria vitent, nemini injuriam faciant, si Deus pro ipsis contra hostes dimicare debet, Deut. 20. v. 4.

3. *Humilitas*, quam probat

1. *Consideratione indignitatis*, v. 8.
2. *Consideratione mortalitatis*, v. 9.

Ita milites Christiani quoque humilitati studeant, & populi animos, cui præsunt, comitate & manuetudine potius quam severitate sibi concilient. Nam Deus resistit superbis, inquit Petrus, 1. c. 5. v. 5.

4. *Fidelitas*, quam præstítit

1. *Majestati terrestri.* Nam homo sum, inquit, sub potestate constitutus, cui fidem dedi, & fidem etiam servabo. Hac fidelitas in bello maximè necessaria est, vide Proverb. 24. v. 22.

2. *Majestati cœlesti.* Imperator gentilis erat, & serviebat idolis, sed ipse Judæam religionem amplectitur, & ita conscientiam suam

suam inviolatam conservat. Deo enim magis obediendum quam hominibus. Act. 5. vers. 29.

5. *Disciplina severitas*, vers. 9. secus nec centuriones nec milites, quod suscipiunt, prosperè ad votum agent, sed mala quæcumque capitibus suis totique cum quo militant, exercitui, attrahent. Non enim probabile est, inquit Gregor. rem bene gesturos, qui lacrymas & execrations pro viatico secum auferunt, vide Jof. 7. v. 12.

II. Ponderanda quoque venit in hac altera parte Christi medela. Ubi enim querelam Centurionis percepisset, statim paratus est, & veniens, inquit, curabo illum. Centurio non opus esse ait, ut ipse veniret, sed modò dicat unicum verbum ad salutem servi recuperandam sufficere certò confidit, ut supra audivimus.

Notamus igitur h̄c

I. *Pramissam Concionem*, qua

1. *Fidem centurionis elevat*, vers. 10. Licet enim in populo Israëlitico multi quoque erant eximiâ fide prædicti, ut Simeon Hanna, discipuli Christi, & in primis B. Virgo, tamen in homine ethnico tantam fidem inveniti rarum erat & singulare miraculum. Tu vero, si fidem centurionis magnam in te non deprehendis, sed fluctuas sub cruce, noli animum abjecere. Virtus enim Dei in infirmitate perficitur, 2. Cor. 12. vers. 9. interea cum Apostolis ora: Domine adauge mihi fidem, Luc. 17. vers. 5. tunc Deus qui fidelis est, linum fumigans non extinguet, Esa. 42. v. 3. sed te perficiet, corroborabit & confummabit ad vitam æternam, 1. Pet. 5. v. 10.

2. *Vocationem gentium prænuntiat*, vers. 10. In V. T. gentes ad Ecclesiam non pertinebant sed Judæi tantum erant Dei pecu-

lium, quæ ipsorum prærogativa duravit usque ad Christum, ille enim per ministerium Apostolorum Judæos & gentes ad unum ovile congregavit, Joh. 10. v. 16.

Beneficium hoc ad nos quoque pertinet, qui à Japheto originem ducimus, & olim à Deo & Ecclesia ejus penitus exclusi eramus, sed per Christum implantati sumus, non aliter, ac si hortulanus arbores sativas detruncaret, & stolones sylvestres illis infareret, Rom. 11. vers. 17. Hoc grato animo agnoscere & pro ratione vocationis nostræ dignè ambulare debemus, 1. Pet. 4. v. 3.

3. *Rejectionem Judeorum indigitat*, & quidem accuratâ similitudine à Patre fâmiâ desumpta, qui filios à mensa removet, si sint immortigeri, & in illorum locum servulos suscipit: Ita Judæi sunt filii regni, quibus paratum erat, ut cum majoribus suis, Abrahamo, Isaaco & Jacobo se derent in regno Dei: sed propter incredulitatem & inobedientiam sunt rejecti & gentiles in illorum locum suscepti. Consideremus igitur bonitatem & severitatem Dei, in eosquidem, qui ceciderunt, id est, adversus Judæos, severitatem, erga nos autem bonitatem, si permanserimus in bonitate, aliâs quoque excidemur. Si enim naturalibus ramis non pepercit, quanto minus nobis oleastris, inquit Apostolus, Rom. 11. v. 21.

II. *Servi restitutionem*, quam procuravit Christus

1. *Absenter*: Licet enim vi unionis personalis ubique esse poterat, tamen in statu exinanitionis hac majestate non usus est semper, sed à loco ad locum migravit, ἐν ὁμοίωσι ἀντρώπων, Phil. 2. v. 7. interim virtute suâ famulum centurionis absentem curat

& eo

& eo ipso probat, se esse verum omnipotens Deum, & Magistrum illum salvandi, de quo Esa. 63. v. 1.

**2. Excellenter.** Nam eo ipso momento, quo Christus fidem centurionis publicè de-prædicabat, servus convalescit. Tam subito Medici corporales juvare non possunt, sed ut proverbium habet Morbi veniunt catervatim, & particulariter recedunt, imo

*Non est in medico semper relevetur ut eger,*

*Sed doct̄a interdum plus valet arte malum.*

Christus vero sanat ex tempore lepram, paralysin, & alios morbos incurabiles. Nam Deus est cum ipso, Act. 10. v. 38.

Ad hunc Medicum, Vos nre confugite in morbis tam corporalibus quam spiritualibus. Nam tanta est ipsius virtus & potentia, ut ne unum quidem deficiat, Esa. 40. v. 26.

## Dominica IV. post Epiphaniam.

*Evangelium Matth. 8. v. 23. 28.*

**D.** Johannes in Apocalypsi vidit Angelum, qui nube amictus erat, & Iris in capite habebat. Facies ejus erat ut Sol, & pedes ejus tanquam columnæ ignis. Pedem dextrum ponebat super mare, finistrum autem super terram, cap. 10. vers. 1. seqq.

Per Angelum hunc intelligitur Angelus fecderis, Dominus noster Jesus Christus. Nube quâ amictus est tegit peccata nostra, Esa. 44. v. 22. Iris est reconciliationis indicium, Gen. 9. v. 13. splendor solis in facie, divinitatem indicat, est enim sol justitiae, Mal. 4. v. 2. Pedes quibus mare & terram supergreditur, dominium ejus notant, quod accepit à Patre, Psalm. 8. vers. 7. 8. 9. dominatur enim à mari usque ad mare, & à flumine usque ad terminos orbis terrarum, Psalm. 72. vers. 8. *ps. 89. 26-28.*

Hujus domini specimen habemus in hodierno Evangelio. Videbimus

*I. Exortam tempestatem.*

*II. Christipotestatem.*

J.J.

### EXEGESIS.

**Q**ui nescit orare, intret mare, Veteres dixerunt. Nam quia navigantes in mari animas suas exiguo ligno concreduint, Sap. 14. v. 5. præsentissimam mortem præ oculis habent, & sunt

*Digitis à morte remoti*

*Quatuor aut septem, sit sit latissima rada,*

Ut juvenalis loquitur. Præsertim quando sub æstu maris turbulentis aquilonibus modò ad cœlos usque effertuntur, modò ad abyssos usque dejiciuntur, ut consilii inopes

H

sicut